



Tam Sim No Kuv Tau Cov Nyiaj Yug Menyuum Lawm

Now That I Have a Child Support Order

Kuv Yuav Ua dabtsi tom qab kuv tau qhov ua kom them cov nyiaj yug menyuum no lawm?

Txhua lub County yeej muaj ib qhov chaw ua haujlwm rau cov nyiaj yug menyuum. Lub chaw ua haujlwm no hu ua 4-D Unit. Yoj koj tau kev pab los ntawm Minnesota Family Investment Program (MFIP) los sis lawm qhov kev pab los ntawm tseem fwv, 4D-Unit yuav tau pab koj pib sau cov nyiaj yug menyuum no. Yog koj tsis tau MFIP los lawm cov kev pab los ntawm tseem fwv, koj yuav tau ua cov ntaub ntawv kom lawv pab koj. Lawv yuav tsis pab yog koj tsis ua li no. Qhov chaw 4-D Unit yuav tsum tau pab koj mus sau cov nyiaj yug menyuum no. Nyob hauv Hennepin County, koj nug tau 4-D Unit cov kev pab ntawm (612) 348-3593.

Thawm Twg Kuv Ma Li Tau Cov Nyiaj Yug Menyuum No?

Nws yuav siv li ntawm 3 lub hlis ma li tau cov nyiaj yug menyuum. Yog koj tau daim ntawv lub tsev hais plaub hais kom them cov nyiaj yug los ntawm cov nyiaj ua haujlwm thiab koj ua ntaub ntawv nrog 4-D Unit los pab koj sau cov nyiaj yug menyuum, lawv muaj 20 hnuv qhib rooj plaub. Ces lawv muaj 15 hnuv mus qhia pem qhov chaw ua haujlwm kom tuav cov nyiaj tseg.

Tus niam los txiv qhov chaw ua haujlwm yuav tsum tau rho tawm cov nyiaj yug menyuum nyob hauv daim tshev li ntawm 14 hnuv ua tau cov ntaub ntawv ua kom them cov nyiaj yug menyuum los ntawm tsev hais plaub thiab xa cov nyiaj no rau 4D-Unit li ntawm 7 hnuv. 4D-Unit muaj 2 hnuv los xa cov nyiaj yug menyuum no rau koj.



Yog koj tau MFIP, koj yeej yuav tau cov nyiaj yug menyuum, tabsis koj cov nyiaj MFIP yuav raug txo 2 lub hlis tom qab.

Yog koj tau MFIP, County kev pab txog zov menyuum, Medical Assistance los sis MinnesotaCare, 4D-Unit yuav tau koj qhov nyiaj yug menyuum rau cov kev zov los sis kho mov.

Yog koj tsis tau MFIP, County kev pab txog zov menyuum, MA los sis MinnesotaCare, 4D Unit yuav muab 2% nro tawm ntawm cov nyiaj yug menyuum lawv sau ua sib them cov ntaub ntawv uas lawv pab koj thiab sau qhov nyiaj ua them txhua zoo kom lawv pab koj yog \$25.00.

Kuv Yuav Ua Li Cas Nrhiav Tau Tias 4D-Unit Muaj Cov Nyiaj Yug Menyuum Rau Kuv?

Minnesota muaj ib twg xov tooj rau cov nyiaj yug menyuum. Koj hu tau txhua hnuv 24 teev. Tus xov tooj no yuav qhia koj txog:

- Hnuv tib kawg ua koj tau cov nyiaj yug menyuum them rau koj;
- Cov nyiaj yug ua them rau koj 90 hnuv tas los.
- Cov nyiaj yug menyuum tseem muaj yuav them rau koj; thiab
- Koj tus neeg ua haujlwm rau cov nyiaj yug menyuum lub npe thiab tus xov tooj.

Hu:

Nyob hauv nroog ntxaib (651) 215-5630.

Nyob lawm qhov 1-(800)-657-3512.

Yog koj tsis hnov lus hu 1-(888)-234-1208 yog nyob sab nraum lub nroog ntxaib los sis siv MN Relay hu ntawm 711.

Los yog mus online rau: www.childsupport.dhs.state.mn.us/Action/Welcome. (Tsuam yog lus asmelikas xwb)

Tus Nqe Rau Cov Nyiaj Yug Menyuum Hloov Puas Tau?

Tau . Cov nyiaj yug no yeej hloov tau yog tias tus niam los txiv cov nyiaj hloov los sis tus menyuum qhov kev yuav tsum tau hloov ntau. Thiab yog kev noj nyob nce ces cov nyiaj yuav nce txhua 2 xyoo. Koj yuav ntswj txoj cai tsis tau rau qhov yuav hloov cov nyiaj yug menyuum yog nws tsis yog ib qhov ntawm qhov lub tsev hais plaub txiav txim.

Kuv Yuav Tau Muab Dabtsis Qhia Kom Hloov Tau Cov Nyiaj Yug Menyuum No?

Minnesota muaj ib qhov txheej txheem (guideline) rau cov nyiaj yug menyuum no. Qhov txheej txheem no hu ua sib faib cov nyiaj khwv tau los ntawm ob niam txiv. (Income Shares). Cov nyiaj sib faib no saib ob niam txiv cov nyiaj ua ntej them se.

Tus niam los txiv uas xav hloov cov nyiaj yug menyuum no, yuav tau xyuas seb kev hloov puas yog hom ua loj thiab tsis nyob ua ntej kev txiav tsum. Cov khoom ua kev hloov loj yog:

- Ib qhov hloov loj rau tus niam los txiv txog cov nyiaj khwv tau los sis kev xav tau rau ib tus twg.
- Ib qhov hloov loj ntawm qhov tus menyuum yuav tsum muaj.
- Tau kev pab los ntawm tseem fwb.
- Nyiaj ces rau cov nyiaj mus kho mob.
- Tsiab los hloov rau cov nyiaj them zov menyuum.



Lub tsev hais plaub yuav tsis hloov cov nyiaj yug menyuum no tshwj tsis yog tias cov nyiaj yug menyuum no yuav ces los nqes li ntawm 20% thiab \$75.

Kuv Yuav Tau Qhov Nyiaj Nqe Nce Nyob (Cost-Of-Living Increase) Li Cas?

Tas nrho cov nyiaj yug menyuum yeej muaj qhov kho kev nyob nce (cost-of-living adjustments (COLAs)). Lub tsev hais plaub muab qhov COLAs dhau tawm yog hais tias tus niam los tus txiv tsis tau nyiaj nce los yog lub tsev hais plaub yeej ua qhov nce rau lawv lub sijhawm lawm.

Qhov nyiaj ces los ntawm COLAs yuav nyob ntawm nyiaj poob nqi (inflation). Nws yuav nce txhua txhua 2 xyoo. Yog koj siv 4-D Unit, lawv yuav ua qhov no rau koj lawm. Yog koj tsis siv 4-D Unit, koj yuav tau mus hais pem chaw hais plaub kos nce.

Kuv Yuav Hloov Cov Nyiaj Yug Menyuum No Li Cas?

Yog yuav hloov cov nyiaj yug menyuum, nug koj tus neeg ua haujlwm kom ua qhov sai sai hu ua Expedited Child Support Process. Qhov no pab cov niam txiv ua lawv cov teeb meeb txog nyiaj yug menyuum kom sai.

- Xa ib tshab ntawv mus rau tus neeg ua haujlwm kom hloov cov nyiaj yug menyuum. Luam ib daim cias.
- 4D-Unit yuav pib los sis xa ib daim ntawv qhia koj tias lawv tsis kam txiav koj daim ntawv pab koj.
- Yog 4D-Unit tsis kam pab koj, koj yeej mus tau rau pem qhov chaw hais plaub koj ib leeg.
- Yog lawv kam pab koj lawv mas li sau cov ntawv hloov rau cov nyiaj yug menyuum thiab muab rau tus niam los txiv saib. Yog tus niam los txiv tsis muaj teeb meem txog kev hloov no los sis nug txog mus pem chaw hais plaub li ntawm 14 hnuv, cov nyiaj yug menyuum yuav hloov.
- Yog tsis muaj txaus pom thawj, los sis tus niam los txiv tsis pom zoo, ces yuav muaj qhov mus hais pem qhov chaw hais plaub.

Nyob pem qhov chaw hais plaub, tus niam thiab tus txiv yuav tau qhia txog cov lus tseeb thiab cov nyiaj khwv thiab cov nuj nqis. Ces qhov chaw hais plaub mas li txiav tsim. Yog tus niam los txiv tsis pom zoo, muaj 20 hnuv tom qab lub chaw hais plaub txiav tsim rau tus niam los txiv rov los hais dua. Yog tus niam thiab txiv pom zoo rau cov nyiaj yug menyuum, 4D-Unit muab tau cov lus pom zoo ua ib qhov uas lub tsev hais plaub txiam txim.



Lawv Yuav Saib Cov Lus Txiv Txim Los Ntawm Qhov Chaw Hais Plaub Ntawm Npaum Li Cas?

Qhov chaw 4D- Unit Yuav tsum tau saib xyuas koj cov nyiaj yug menyuum txhua txhua 3 lub xyoo. Koj nug tau kom hloov koj cov nyiaj yug menyuum yog tias cov lus txiav txim tsis tau muaj nrhau 3 xyoo, tabsis 4D- Unit tsis yog ib txoj kev xwb uas yuav pab tau koj. Koj yeej mus hais tau koj tus kheej pem tsev hais plaub. Cov ntaub ntawv koj yuav tau ua mus pem chaw hais plaub koj tus kheej nrhiav tau ntawm vassab <http://mncourts.gov/?page=513>.

Kuv Puas Yuav Tas Tau Ib Tug Kws Lij Choj?

Tsis tas. Tabsis yog muaj ib rooj plaub mus pem chaw hais plaub koj yuav xav muaj. Yeej muaj ib twg tib neej tuaj pem 4D-Unit tabsis nws yuav tsis pab tus niam thiab txiv. Nws yuav nug txog cov nyiaj yug menyuam xwb.

Siv 4D Unit Yog Ib Txoj Hau Kev Hloov Tau Cov Nyiaj Yug Menyua No Xwb Los?

Tsis Yog. Lub tsev hais plaub yeej hloov tau txhua lub sijhawj nyob thaum saib rooj plaub yog hais txog kev tau menyuam, mus xyuas tus niam los tus txiv ua tsis tau tus menyuam, khoom sib faib los sis kev cem sib ntaus hauv lub tsev los sis koj nug tau kom hloov tau tiab.

Kuv Yuav Paub Li Cas Tias Tus Tod Ua Tau Nyiaj Ntau li cas?

Txhua 2 xyoo koj hais tau kom tus niam los txiv muab ib daim luam cov nyiaj se xyoo tas los rau koj.

Kuv Yuav Ua Tau Li Cas Yog Tus Tod Tsis Kam Them?

Cov nyiaj yug menyuam tsis tau lig yog tsis tau dhau 30 hnuv. Ces 4D- Unit ua tau ntau yam kom pab tau koj kom tau cov nyiaj yug menyuam xwb li:

- **Rho Tawm Los Ntawm Cov Nyiaj Tau (Automatic Withholding)** Yog koj daim ntawv Nyiaj yug menyuam tsis tau ua qhov rho tawm cov nyiaj yug menyuam los ntawm tus niam los txiv tod daim tshev, koj nug tau kom pib rho tawm yog lub caij ua dhau 30 hnuv tsis them cov nyiaj yug menyuam.
- **Kev Tsis Hwm (Contempt)** Koj nug tau kom lub tsev hais plaub pom zoo tias tus niam los txiv tsis hwm cov lus txiav txim los ntawm lub tsev hais plaub. Nws yuav tsum tau muaj ib rooj plaub mus hais. Yog lub tsev hais plaub pom tau hais tias tus niam los txiv yeej them tau cov nyiaj yug menyuam tabsis nws tsis xav them xwb, lub tsev hais plaub yuav txiav tsim tau hais tias nws tsis hwm. Yog nws tsis them cov nyiaj yug menyuam, nws yuav raug mus nyob hauv tsev kaw neeg.
- **Cov Nyiaj Se Tau Rov Qab Los (Tax Refunds)** Yog tias tus niam los txiv ua tiv nqe li ntawm \$500 ua tsis them cov nyiaj yug menyuam, thiab nws tshaj 3 hlis lig, nws cov nyiaj se tau rov qab los ntawm lub xeev thiab tseem fww yuav tau koj mus them rau cov nyiaj yug menyuam ua nws tsis them.
- **Daim ntawv tso cai rho tawm (License Suspension)** Thaum ua tus niam los txiv tiv nqe rau cov nyiaj yug menyuam tshaj 3 npaug cov nyiaj uas them rau ib lub hli, lub xeev muaj txoj cai rho tawm nws daim ntawv tso cai. Daim ntawv tso cai (license) no yog daim ntawv tsav tsheb los daim ntawv ua haujlwm ua lub xeev muab rau nws ib yam li tus neeg txiav plaub hau.



Daim ntawv tso cai no yuav raug rho tawm txog thaum tus niam los txiv pib them cov nyiaj yug menyuam. Lub xeev muaj txoj cai rho tawm daim ntawv tso cai rau mus zov hav zoov, nuv ntses, nkoj thiab lawm yam.

- **Hais txog koj qhov Credit (Credit Reporting)** 4D-Unit qhia tau lub Credit Bureau txog qhov koj tsis kam them cov nyiaj yug menyuam no. Nyob ua tsis zoo rau thaum koj mus txais nyiaj.
- **Nuj nqes (Liens)** 4D-Unit yuav tsum tau ua ib qhov nuj nqes (liens) rau koj lub tsev los cov khoom teej tug (ib yam li lub tshev, nkoj, thiab lawm yam) rau tus niam los txiv ua tsis them cov nyiaj yug menyuam. Yog muaj ib qhov nuj nqes (liens) nyob rau lub tsev los lawm yam khoom teej tug, koj yuav muag tsis tau txog thaum koj them cov nqe rau cov nyiaj yug menyuam no.

Yog koj thawj rooj plaub txog cov nyiaj yug menyuam yog tom qab hnuv 1 lub 1 hli xyoo 2007, koj nug tau kom lub tsev hais plaub ua ib rooj plaub sib hais kom them cov nyiaj yug menyuam no. Koj nug tau rooj plaub siv hais no yog tias nws nyob li ntawm thawj 6 lub hli tom qab kev txiav txim. Lub tsev hais plaub mas li muab ib daim luam lo nrog koj cov ntaub ntawv nyiaj yug menyuam. Koj yuav tsum tau ua cov ntaub ntawv no kom tiav thiab xa mus rau qhov chaw hais plaub thiab hais tus tod kom tuaj mus sib hais pem lub tsev chaw hais plaub.

Kuv Yuav Pab Tau Li Cas Kom Kuv Tau Cov Nyiaj Yug Menyuum?

Muab tas nrho cov lus hais txog tus niam los txiv rau tus neeg ua haujlwm. Pib xam li, yog koj paub tias lawv hloov haujlwm los sis tsiv, qhia rau tus neeg pab koj kom sai.

Yog Hais Tias Kuv Muaj Teeb Meem Nrog IV-D Unit Ne?

- Sau ib tshab ntawv mus rau tus coj ntawm lub County's tuav nyiaj yug menyuam (4-D Unit). Hais kom meem yog muaj dabtsis tshwm sim ntawm 4-D Unit kev ua tsis yog thiab vim li cas thiaj li ua tsis yog. **Sau koj qhov chaw nyob, hnuv, thiab koj tus zau tuav koj cov ntaub ntawv (case number). Luam koj daim ntawv no cia. Yog koj nyob hauv Hennepin County, koj hu tau rau tus Client Servies Advocate ntawm 612-348-3333.**
- Yog hais tias qhov teeb meem tsis tau qhia yog vim li cas los yog tsis kho li ntawm 30 hnuv, sau ib tshab ntawv mus rau:
 - DHS: Child Support Enforcement Division
 - P.O. Box 64946
 - St. Paul, MN 55164-0946
- Yog qhov no tsis tau haujlwm tiab, sau rau:
 - Administration for Children and Families
 - Child Support Enforcement
 - 233 N. Michigan Ave., #400
 - Chicago, IL 60601-5519



Nrhiav lwm yam Legal Aid Society ntaub ntawv, mus saib tos vas sab www.lawhelpmn.org/LASMfactsheets.

Nrhiav hauv koj lub zos raws li txoj cai aid office ntawm www.lawhelpmn.org/resource/legal-aid-offices

Tsis txhob siv daim ntawv qhia no yog tias nws twb ua tawm los dhau ib xyoos lawm. Sau ntawv rau peb kom peb tau kho cov ntawv thiab muab hloov tshiab, daim ntawv qhia txhua yam uas muaj tiag nov, los yog lwm hom siv los qhia.

© 2018 Minnesota Legal Services Coalition. Cov ntaub ntawv no rov muab tsim tawm dua tau thiab siv rau tsis yog lag luam thiab kev kawm xwb. Tas nrho txoj cai tshwj tseg. Qhov lus ceeb toom no yuav tsum nyob ntawm txhua txhua daim ntawv luam. Txwv ncaj nraim tsis pub rov muab tsim tawm thiab faib rau suav daws yam yuav nyiaj ua lag luam.